

dari pembaca kita...

## Senisilat: Usaha utk tarik masyarakat bukan Melayu perlu

**BARU - BARU** ini saya terbaca berita mengenai Pesta Silat yang akan diadakan tidak lama lagi oleh Persekutuan Silat Singapura. **16 JUN 1976**

Kegiatan itu memanglah baik dan kena padamasanya. Tetapi apa yang hendak saya katakan di sini ialah tentang perlunya meluaskan penyertaan seni silat untuk melibatkan mereka yang bukan Melayu.

Satu perkembangan yang kita lihat dalam seni-seni pertahanan diri Jepun dan Korea ialah pakar-pakar mereka bukan saja menga-

jar kepada lain-lain orang di negara mereka tetapi seni pertahanan mereka boleh 'dieksport' dan kini popular di kalangan belia berbagai negara.



Ini adalah satu perkembangan yang baik dan menunjukkan betapa seni pertahanan diri dapat dijadikan benar-benar sebagai satu sukan untuk semua.

Saya yakin Pesta Silat yang pertama ini akan dapat menimbulkan minat dan perhatian para belia yang masih be-

lum mempelajari-nya.

Bagi Persekutuan Silat, saya ingin menyarankan agar ia mengatur satu rancangan mengenalkan seni pertahanan diri itu kepada semua belia di sini.

Rancangan pablisiti ini hendaknya lebih meluas lagi untuk melibatkan para belia bukan Melayu juga.

Di samping itu aspek - aspek seni itu sebagai satu sukan dan yang dapat memsihatkan lagi tubuh badan hendaklah digambarkan dengan jelas.

**S. SUHAIMI**

*Geylang Bahru.*

## 8 pertubuhan akan beradu dlm Pesta Silat S'pura

**12 JUL 1976**

*Pencak Silat*  
**SEBANYAK** lapan buah badan seni silat akan menyertai 'Pesta Silat Singapura' yang akan diadakan pada 18 Ogos depan bertempat di Panggung Negara.

Pesta tersebut dianjurkan oleh Persekutuan Silat Singapura dan akan dimulakan pada 7.30 malam.

Inilah pertama kali pesta seumpama itu dianjurkan oleh Persekutuan Silat Singapura sejak ia didaftarkan.

Badan - badan yang akan menyertai pesta itu terdiri dari Pasak, Perpendis, Perwanit, Pertubuhan Kebu-

dayaan Melayu, Angkatan Belia Singapura, Pertapis, Persatuan Bawean Singapura dan Himpunan Queenstown.

Setiausaha PSS, Encik Johari Uriff ketika dihubungi semalam menerangkan:

### Galakan

"Pesta ini bertujuan untuk menggalakkan perkembangan seni mempertahankan diri di kalangan masyarakat muda.

"Adalah baik bagi anak - anak muda bergiat dalam kegiatan seperti ini daripada kegiatan lain yang tidak mendatangkan faedah," katanya.

Dia juga berharap orang ramai akan memberikan sokongan kepada pihak persekutuannya.

Dalam pesta itu, setiap badan dikehendaki menghantarkan tiga regu, dan tiap-tiap regu terdiri dari dua orang.

Pasukan yang terbaik akan diberikan hadiah, termasuk sebuah piala pusingan Haji Ya'acob Mohamed. Sementara pasukan-pasukan yang mengambil bahagian akan diberikan hadiah cenderamata. **12 JUL 1976**

Tiket-tiket untuk pesta itu dijual dengan harga \$1.00, \$2.00 dan \$3.00 dan boleh dibeli mulai sekarang dari Persekutuan Silat Singapura melalui talipon 494400; Rumah nombor 3, Jalan Penggaga; Encik A. Karim Maideen di 11, Lorong Mydin; Pasak di Blok 58, 101A, Commonwealth Drive dan Persatuan Bawean Singapura di 243, Thomson Road.